



Broj: 05/7-39-1-158-72/21

Sarajevo, 9. 6. 2021.

Z A P I S N I K

72. sjednice Vijeća nacionalnih manjina BiH, održane 9. 6. 2021.

Sjednica Vijeća nacionalnih manjina BiH počela je u 17 sati.

Sjednici su prisustvovali: Andrija Svatok, predsjedavajući, Tihomir Knežiček, Jovanka Manzalović-Šalaka, Velibor Kuvač, Dragan Marković, Todorka Jovanović, Silvija Vujović, Hakan Varan, Eva Pašić-Juhas, Mladen Radmilović, Halil Bicaj, Tijana Vučurević, Dejan Piotrovski, Vjeročka Gajić, Davor Ebner, Marija Grbić, Nedžad Jusić i Jakob Finci.

Sjednici su, također, prisustvovali: Enver Bogućanin iz Sektora za odnose s javnošću Sekretarijata Parlamentarne skupštine BiH i Aida Kreho, sekretarka Zajedničke komisije za ljudska prava.

Sjednica je imala sljedeći

D N E V N I R E D

1. Usvajanje Zapisnika 71. sjednice Vijeća nacionalnih manjina BiH;
2. Razmatranje Prijedloga rasporeda troškova Vijeća nacionalnih manjina BiH za 2022. godinu;
3. Informacija o usvajanju kriterija za formiranje Vijeća nacionalnih manjina Brčko Distrikta BiH, podnosilac: Todorka Jovanović;
4. Tekuća pitanja.

Ad. 1. Usvajanje Zapisnika 71. sjednice Vijeća nacionalnih manjina BiH

Predsjedavajući Vijeća nacionalnih manjina BiH otvorio je raspravu o ovoj tački dnevnog reda. S obzirom na to da nije bilo rasprave, pristupilo se glasanju, te je Zapisnik jednoglasno usvojen.

Ad. 2. Razmatranje Prijedloga rasporeda troškova Vijeća nacionalnih manjina BiH za 2022. godinu

Nakon rasprave, u kojoj su učestvovali: Andrija Svatok, Jovanka Manzalović-Šalaka, Nedžad Jusić i Dragan Marković, Prijedlog rasporeda troškova Vijeća nacionalnih manjina BiH za 2022. godinu jednoglasno je prihvaćen.

U vezi s ovom temom i raspravom, usvojen je i zaključak da se Vijeće obrati sa zahtjevom za osiguravanje sredstava za tehničko opremanje (nabavku 19 laptopa) nadležnoj službi Parlamentarne skupštine BiH.

Ad. 3. Informacija o usvajanju kriterija za formiranje Vijeća nacionalnih manjina Brčko Distrikta BiH, podnosilac: Todorka Jovanović

Todorka Jovanović informirala je članove Vijeća o sadržaju i proceduri donošenja Prijedloga odluke o osnivanju Vijeća nacionalnih manjina Brčko Distrikta Bosne i Hercegovine.

U raspravi koja je uslijedila, a u kojoj su učestvovali: Nedžad Jusić, Andrija Svatok, Velibor Kuvač i Jakob Finci, formuliran je prijedlog da se uputi dopis prvom zamjeniku visokog predstavnika i supervizoru za Brčko Distrikt BiH te Skupštini Brčko Distrikta BiH s molbom da se prilikom donošenja odluke o osnivanju Vijeća nacionalnih manjina Brčko Distrikta Bosne i Hercegovine vodi računa o propisivanju odgovarajućih kriterija i postupka izbora i imenovanja Vijeća nacionalnih manjina Brčko Distrikta BiH, s ciljem osiguravanja zastupljenosti istinskih i autentičnih pripadnika nacionalnih manjina u Vijeću nacionalnih manjina Brčko Distrikta Bosne i Hercegovine. Prijedlog je usvojen s 15 glasova „za“, dva glasa „protiv“ i jednim glasom „suzdržan“.

Ad. 4. Tekuća pitanja

U okviru ove tačke dnevnog reda članovi Vijeća upoznati su s procedurom izbora novih članova Vijeća, te aktivnostima koje slijede u tom procesu.

Također, a u skladu s prijedogom Velibora Kuvača, članovi su zaključili da je na prvoj narednoj sjednici, planiranoj za 5. 7. 2021, neophodno obaviti raspravu o prijedlozima izmjena/dopuna Izbornog zakona Bosne i Hercegovine, te formulirane prijedloge dostaviti Interresornoj radnoj grupi za izmjene izbornog zakonodavstva Bosne i Hercegovine.

Sjednica je završena u 18.30 sati.

**Sekretarka Zajedničke komisije
za ljudska prava
Aida Kreho**

**Predsjedavajući
Vijeća nacionalnih manjina BiH
Andrija Svatok**